

470/21-415

**Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA**

Služba za boračko-invalidsku i socijalnu zaštitu, stambene poslove i društvene djelatnosti

Broj: 01-45-7100/21
Zenica, 11.05.2021.godine

STRUČNA SLUŽBA GRADSKOG VIJEĆA

PREDMET: Stav Službe

**Izveštaj o radu JU „Muzej grada “ Zenica za 2020.godinu
- dostavlja se**

Muzej grada Zenice osnovan je Rješenjem Skupštine opštine Zenica broj: 01-2-505/1 od 22.02.1968. godine. Vijeće opštine Zenica donijelo je Odluku o zadržavanju prava osnivača na sjednici održanoj 11.07.1996.godine.

Muzej grada Zenice pruža usluge i svoju djelatnost obavlja na više lokaliteta: u sjedištu Ustanove, novoj zgradi Muzeja, ul. Muhameda Seida Serdarevića bb, Sinagogi - Jevrejska 1, srednjovjekovnoj tvrđavi u Vranduku, Bosanskoj kući u Vranduku i arheološkom lokalitetu u Putovićima.

Osnovna djelatnost Muzeja obavlja se u novoj zgradi Muzeja grada Zenice gdje je postavljeno sedam stalnih muzejskih zbirki (arheološka, dvije historijske, dvije etnološke, numizmatička i Zbirka medija XX stoljeća) a uz to se i realizuju povremene likovne i historijske izložbe, muzički programi, promocije knjiga i sl.

U Bosanskoj kući postavljena je stalna etnološka postavka, a organizovane su brojne radionice za mlade, te promocije međunarodnih muzejskih projekata.

Tvrđava u Vranduku i Bosanska kuća služe za prezentaciju srednjovjekovnog i etno naslijeđa, između ostalog posredstvom stalne historijske postavke o srednjovjekovnoj Bosni u Velikoj i Maloj kuli, kao i uređenim trgovištem u citadeli tvrđave, postavljenim imitacijama meta, lukova i strijela.

Svoju djelatnost Muzej grada Zenice obavlja u skladu sa Odlukom o osnivanju i misijom Ustanove. Naročita pažnja se posvećuje radu sa mladima, naročito učenicima osnovnih škola.

Muzej grada Zenice realizacijom raznorodnih programa (muzejskih izložbi, likovnih izložbi, muzičkih programa, filmskih revija, književnih promocija, naučnih predavanja, radionica) nastoji privući, osim redovne publike i djecu i omladinu koji su bili njihovi redovni posjetioči.

Na osnovu Pravilnika o organizaciji i sistematizaciji poslova i radnih zadataka Ustanove 11 zaposlenika raspoređeno je na izvršavanju poslova Ustanove, te dva pripravnika-volontera. Prema kvalifikacionoj strukturi zaposlenih najviše je VSS radnika .

Prema finansijskom izvještaju Ustanova je poslovala sa viškom prihoda od **42.496,18 KM** (prihodi **363.939,39 KM** i rashod **321.443,21 KM**).

Upravni odbor je razmatrao i usvojio Izvještaj o radu i finansijskom poslovanju Javne ustanove „Muzej grada“ Zenica za 2020. godinu.

Upravni odbor Muzeja grada je rad direktora ocijenio kao pozitivan, ističući:

„Direktor ustanove je izvršio sve predviđene i nepredviđene programske zadatke. Naročito se istakao u odgovoru na krizu koju je izazvala pandemija. Riječ je, svakako, o prilagodbi rada Muzeja u okolnostima na kakve nismo navikli. Ustanova je uprkos objektivnim problemima održala djelatnosti i poslovala pozitivno. Budžetska su sredstva namjenski i racionalno utrošena.

Grad Zenica, kao osnivač JU Muzej grada Zenice, finansirao je realizaciju kulturnih programa i učestvovao u održavanju nacionalnih spomenika. „

Kada se tiče programskih aktivnosti, u protekloj godini Muzej se suočio sa ozbiljnim problemom urušavanja dijela južnog bedema tvrđave Vranduk nakon čega je obezbijedio projekat, stručni nadzor Zavoda za zaštitu spomenika, kao i dio sredstava za realizaciju projekta iz Fonda Federalnog ministarstva kulture i sporta, Ministarstva za obrazovanje, kulturu i sport Zeničko-dobojskog kantona, Grada Zenice, te uz posredovanje ove Službe osigurao značajan iznos od Federalnog ministarstva za urbanizam. Radovi su okončani krajem 2020. godine, a uz južni bedem postavljena je i konstrukcija srednjovjekovnog trgovišta kao još jedan elemenat vjernijeg prikaza atmosfere kakva je vladala u doba banova i bosanskih kraljeva.

U toku 2020. godine Muzej grada Zenice obilježio je značajne državne praznike na prigodan način, te učestvovao u programima međunarodnih manifestacija od društvenog značaja (saradnja sa umjetnicima, organizacijama, ustanovama i naučnim djelatnicima iz Crne Gore, Hrvatske, Srbije, Makedonije, Bugarske, Švedske, SAD, Austrije, Češke, Slovačke, Njemačke, Crne Gore, Albanije, Slovenije, Velike Britanije i dr.). Muzejski djelatnici su instalirali opremu dobijenu kroz IPA REG projekat "Fortress Reinvented" u tvrđavi Vranduk. Tokom minule godine posvetili su se produkciji sadržaja za kompjutere, tablete, televizore, koji će pružati posjetiocu dodatne podatke o srednjovjekovnoj bosanskoj državi, te o historijatu tvrđave. Muzej grada Zenice okončao je projekat Evropske komisije IPA REG "Fortress Reinvented" instaliranjem softvera, audio vodiča, te drugih audio vizeuelnih sadržaja za opremu namijenjenu za upotrebu u tvrđavi Vranduk. Riječ je o kompjuterima, televizorima, tabletima i ali time kamera. Ova oprema poslužiti će za kvalitetnije informiranje posjetilaca tvrđave, tj. poboljšanje turističke ponude.

U saradnji sa WBF fondacijom dovršili su projekat "Tri kraljice", te počeli realizaciju međunarodnog projekta "Iliri, zajedničko naslijeđe“.

Edukativno-kreativni i pristupačni kutak - "Muzejski kutak", otvoren u lijevom krilu prizemlja, uz glavni ulaz u zgradu muzeja osmišljen je da posluži kao stimulativan kreativni prostor za mlade sa izloženim muzejskim edukativnim sadržajima, koji su pri tome prilagođeni osobama sa invaliditetom.

Djelatnici muzeja pripremili su digitalna izdanja nekoliko značajnih izložbi: „Kameni spavač“, „Zeničke vode i vodovodi“ o nobelovcu Ivi Andriću, izložbu stripa „Drevni Iliri“, izložbu Muhameda Kafedžića „Hatami“, fotografsku izložbu Dijane Muminović i njenih prijatelja „Covid 19 u Zenici“, album srednjovjekovne muzike „Trio Reginarum“, u izvedbi zeničkog ansambla Fugato, gostujuće izložbe akademske slikarke Aleksandre Kokotović, te izložbe, likovna „Memento Mori, Lane Miličić i fotografska Dijane Muminović.

Muzej grada Zenice posjetilo je ukupno **4824** osobe tokom 2020.godine.

Posjete stalnih postavki i programa su manje u odnosu na prethodne godine, kao i broj održanih promotivnih programa:

- 93 održana promotivna programa i radionice
- 147 redovnih posjetilaca,
- 2833 posjetilaca programa i radionica održanih u Muzeju,
- 1844 posjetilaca tvrđave Vranduk.

Saradnja Službe sa menadžmentom Ustanove je izuzetno dobra u smislu pristupačnosti, zajedničkih projekata, međusobne komunikacije te realizacije osnivačkih obaveza, nastavljena je dobra saradnja sa upravnim odborom Ustanove.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za boračko - invalidsku i socijalnu zaštitu, stambene poslove i društvene djelatnosti predlaže Gradskom vijeću da usvoji Izvještaj o radu JU „Muzej grada“ Zenica za 2020. godinu.

PRILOZI:

1. Izvještaj o radu JU za 2020.godinu
2. Bilans stanja na dan 31.12.2020. godine
3. Račun prihoda i rashoda za period od 01.01.2020. do 31.12.2020. godine
4. Odluka Upravnog odbora o usvajanju finansijskog izvještaja br. 85/21 od 23.02.2020. godine, Ocjena rada direktora br. 90-A/21 23.02.2021. godine i Odluka o usvajanju Izvještaja o radu Muzeja broj 84/21 na datum: 23.02.2021. godine.

DOSTAVLJENO:

1 x Naslov

1 x a/a

Šef Odsjeka društvenih djelatnosti
Z.I.



POMOĆNICA GRADONAČELNIKA

Sumea Mujkanović